

MUZIONE

- PRUPOSTA DA : MME MATTEA LACAVE PER U GRUPPU « FEMU A CORSICA »

- OBJET : VALUAZIONE DI A PULITICA CULTURALE DI A CULLETTIVITA TERRITURIALE.

Vistu chì l'articulu 9 di a lege di u 22 di ghjennaghju 2002 enuncia chì a Cullettività Territoriale di Corsica mette in ballu a pulitica culturale in cuncertazione cù l'altre cullektività è dopu avè cunsultatu u cunsigliu economicu, suciale è culturale.

Vistu chì a nostra cullektività, per via di u trasferimentu di e cumpetenze, deve esse una forza nutrice di l'azzione culturale.

Vistu chì a cultura pò custuisce un fattore di progressu, per a sucetà quant'è per a persona stessa.

Vistu chì a deliberazione di l'Assemblea di Corsica, nant'à l'orientazione generale di u pianu di sviluppu di a Corsica, chì, in u 1992, incalcava digià nant'à l'arricata chì a cultura pudia purtà à u sviluppu economicu di l'isula.

Vistu chì e finalità di stu documentu eranu chjare :

- Aiutà i Corsi à acquistà a capacità di situassi in u mondu, valorizendu a memoria, u rispettu di l'interculturalità, a prumuzione suciale è geugraffica di l'azzione culturale.
- Mantene a cuesione suciale è rinfurzà a sulidarità, cose chì tramminduie necessiteghjanu l'accessu per tutti à u messagiu culturale.
- Circà un equilibriu trà l'identità corsa è i grandi currenti cuntemporanei.

- Accresce l'attrattività di a Corsica.
- Generisce un' integrazione forte trà l'attività economica è l'attività culturale.

Vistu chì u documentu d'orientazione culturale vutatu à l'unamità in 2005 ripiglia l'ogettivi di u 1992 è stabilisce di manera precisa è detagliata ogettivi è azzioni in u campu di u spannamentu individuale, a demucrazia culturale, a cuesione suciale, l'affermazione identitaria, l'insersione ind'i currenti cuntemporanei maiò, l'apertura è a valorizzazione economica in una vulintà di « territorializà » e pulitiche.

Vistu chì dipoi u 2005 ùn ci hè statu nisuna valutazione seria di sta pulitica culturale nè mudifiche di stu documentu ;

Vistu chì. chì oghje ci apparisce indipensevule di :

- Stabilisce una valutazione ragiunata è riflettuta di l'azzioni purtate da a nostra assemblea appughjendusi nantu à i dui documenti chì concernanu a pulitica culturale.
- È di definisce à partesi di sta valutazione nove pruposte in materie d'orientazione culturale

L'ASSEMBLEA DI CORSICA

DECIDE :

- D'asestà una valutazione di a so pulitica culturale per via di a cummissione di cuntrollu di a CTC.
- Di definisce nove pruposte à partesi di sta valutazione in concertazione cù u mondu culturale è u cunsigliu economicu suciale è culturale.
- D'amendà s'ella ci pare necessariu u pianu d'asestu culturale di u territoriu, adattandullu di manera opportuna à l'evoluzione di l'ogettivi fissati da quelle orientazioni.